



TOSHKENT DAVLAT YURIDIK UNIVERSITETI REKTORINING B U Y R U G ' I

11.12.2023

751-tm-son

Talabalarni rag'batlantirish to'g'risida

O'zbekiston Respublikasi Prezidenti Shavkat Mirziyoyev rahbarligida 2023-yil 11-aprel kuni "Yoshlar siyosati sohasidagi ishlar natijadorligini oshirish hamda ular bilan ishlash tizimini yanada takomillashtirish chora-tadbirlari" yuzasidan o'tkazilgan videoselektor yig'ilishida berilgan 18-son topshiriqlar bayoni, Vazirlar Mahkamasining 2020-yil 31-yanvardagi "Oliy ta'lim muassasalari talabalariga to'lanadigan stipendiyalar miqdorlarini belgilash hamda stipendiyalar tayinlash va to'lash tartibini takomillashtirish chora-tadbirlari to'g'risida"gi 59-son qarori, Toshkent davlat yuridik universiteti rektorining 2022-yil 17-fevraldagi "Toshkent davlat yuridik universitetida ma'naviy-ma'rifiy ishlarni tizimlashtirish hamda talabalarning iqtidor va iste'dodlarini aniqlashni yangi bosqichga olib chiqish to'g'risida"gi 36-um-son, 2022-yil 28-oktabrdagi "Toshkent davlat yuridik universitetida klub va doimiy loyihalar faoliyatini samarali tashkil etish to'g'risida"gi 333-um-son buyrug'ida belgilangan vazifalar ijrosini ta'minlash, iqtidorli talabalar safini kengaytirish, ularga keng imkoniyat yaratish, munosib qo'llab-quvvatlash hamda universitet Stipendiya komissiyasining 2023-yil 9-dekabrdagi talabalarni moddiy rag'batlantirish masalasi bo'yicha yig'ilishining 17-son bayonnomasiga muvofiq,

BUYURAMAN:

1. Toshkent davlat yuridik universiteti (bundan buyon matnda – Universitet) Stipendiya komissiyasining 2023-yil 9-dekabrdagi talabalarni moddiy rag'batlantirish masalasi bo'yicha o'tkazilgan 17-son yig'ilish bayoni ma'lumot va ijro uchun qabul qilinsin.

2. Quyidagilar:

2023-yil 30-noyabr kuni universitet rektori tomonidan "Toshkent davlat yuridik universitetida Yoshlar hayotida besh muhim tashabbus shiori ostida o'tkaziladigan Talabalar festivali doirasidagi tadbirlar rejasi" tasdiqlanib, shu asosida 2023-yil 13-18-noyabr kunlari "**Talabalar festivali**" haftaligi o'tkazilganligi, unda intellektual, huquqiy, san'at, kitobxonlik, sport-

sog'lomlashtirish yo'nalishlarida **22 ta tanlov va loyihalar** o'tkazilganligi, ushbu tanlovlarda **3000 nafardan** ortiq talabalar faol ishtirok etganligini;

TDYU Yuridik klinikasi tomonidan Yuridik klinika ko'ngilli talabalari orasida, ularning huquqiy savodxonligi va fuqarolarga huquqiy yordam berish borasidagi bilimlarini oshirish maqsadida **"Huquqiy zakovat"** intellektual o'yini, **"Eng yaxshi videoroliklar"**, **"Eng yaxshi fuqaro qabul qiluvchi talaba"**, **"Yuridik klinika faoliyatidagi eng faol talabalar"** tanlovlari o'tkazilganligi va tanlovlar bo'yicha g'oliblar aniqlanganligi, mazkur tanlovlarda **150 nafardan** ortiq talabalar faol ishtirok etganligi;

O'zbekiston Respublikasi Vazirlar Mahkamasining 2023-yil 17-iyuldagi 45-son yig'ilish bayoniga muvofiq joriy yilning 5-10-noyabr kunlari Turkiston (Qozog'iston Respublikasi) shahrida **II-Turkiy davlatlar Universiadasi** o'yinlarida 6 ta mamlakat (O'zbekiston, Qozog'iston, Qirg'iziston, Ozarbayjon, Turkiya, Vengriya) sport jamoalari o'zaro bellashishganliklari, unda O'zbekiston delegatsiyasi sportning dzyudo, erkin kurash, yunon-rum kurashi, voleybol, stol tennisi, shaxmat sport turlari bo'yicha yuqori saviyada ishtirok etganligi, musobaqalarda O'zbekiston sport delegatsiyasi jami **36 ta** (15 ta oltin, 11 ta kumush, va 10 ta bronza) medallarni qo'lga kiritib, umumjamoa hisobida **faxrli 1-o'rinni** qo'lga kiritganligi hamda "Universiada" o'yinlarida universitetning Xususiy huquq fakulteti 4-kurs talabasi **Bobonazarov Samandar Ravshan o'g'li** Yunon-Rum kurashi (77 kg) musobaqasida **1-o'rinni**, Jinoiy odil sudlov fakulteti 3-kurs talabasi **Abdurashidov Namoz Abduraim o'g'li** "Erkin kurash" (125 kg) musobaqasida **3-o'rinni** qo'lga kiritganligini;

Universitetning "Yuristlar" terma jamoasi "Quvnoqlar va zukkolar" respublika ko'rik-tanlovining 2023-yilgi mavsumida munosib ishtirok etib, oliyliganing final bosqichida ishtirok etish yo'llanmasini qo'lga kiritganligi inobatga olinsin.

3. Universitet Stipendiya komissiyasining 2023-yil 9-dekabrdagi talabalarni moddiy rag'batlantirish masalasi bo'yicha o'tkazilgan 17-son yig'ilish bayoniga muvofiq loyiha va tanlovlarda g'oliblikni qo'lga kiritgan hamda universitet faoliyat samaradorligiga o'zining munosib hissasini qo'shib kelayotgan talabalarni moddiy rag'batlantirish bo'yicha taqdim etilgan taklifiga rozilik berilsin.

4. Universitetda 2023-yilning oktabr-dekabr oylari davomida o'tkazilgan loyiha va tanlovlarda munosib ishtirok etib g'oliblikni qo'lga kiritgan hamda alohida iqtidori bilan ta'lim va tarbiya jarayonlarini tashkil etishda faollik ko'rsatib kelayotgan talabalar ilovadagi jadvalga muvofiq moddiy rag'batlantirilsin.

5. Buxgalteriya (M.Parpiyev) mazkur buyruq ilovasi bilan tasdiqlangan talabalarni moddiy rag'batlantirish bilan bog'liq to'lovlarni Talabalarni rag'batlantirish jamg'armasi mablag'lari hisobidan to'lab berilishini ta'minlasin.

6. Ma'naviyat va ma'rifat markazi (Sh.Po'lotov) hamda fakultet dekanlari: rag'batlantirilgan talabalar to'g'risidagi ma'lumotlarni talabalar orasida

hamda ijtimoiy tarmoqlar orqali keng targ'ib qilish choralarini ko'rsin;

talabalarni rag'batlantirish bilan bog'liq bo'lgan buxgalteriya hujjatlarini talabalar tomonidan o'z vaqtida buxgalteriyaga taqdim etilishini ta'minlasin hamda saqlanishini nazorat qilsin.

7. Ushbu buyruq ijro nazorati birinchi prorektor A.Xashimhonov va prorektor A.Iminovlar zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

SH.SAYDULLAYEV



Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo‘lgan)

D.KAMALOVA



YOshlar masalalari va ma‘naviy-
ma‘rifiy ishlar bo‘yicha dekan
o‘rinbosari

SH.BOBODO‘STOV



YOshlar masalalari va ma‘naviy-
ma‘rifiy ishlar bo‘yicha dekan
o‘rinbosari

E.RAHMATOV



Moliya-iqtisod ishlar bo‘yicha
prorektor

A.IMINOV



Bosh buxgalter

M.PARPIYEV



Katta yuriskonsult

A.TURSUNOV

